

種痘新書卷之三

五雲堂重刊

關主家怨咎醫人

夫行術之家一經其手無限警心將發熱時夜臥不安惟恐症
來不順晨昏懇視穹蒼及痘出人皆順症不覺喜出眉端倘或
稍有險逆則已驚心動魄俯首喪氣雙鎖眉頭其所以若是者
蓋以既膺其責勢難推解雖其人之本病若由我之所致將直
言道險恐受主人之譴欲隱而不言又致傍人之譴悔在放苗
之日恨無靈妙之丹食不甘寢不寐悉爲他人之扼愁難釋口

難言猶如自己之危如是之際而猶責之則醫人之方寸愈亂
又安有奇術乎蓋識山膽張智從勇決心無恐俱則定靜存神
識見自開奇方自出症不可救之中而亦或可救矣昔余在泰
邑江宅放苗三口一兒出痘形如蠶種勢不可療余往視之直
言其危宜另請高明醫治彼應余曰泰邑痘種無出先生石者
先生束手他人豈能治乎病卽不救亦不敢怨先生余聞是言
一時憂懷頓釋明日張膽遂與清毒活血猛烈之劑藥可數兩
至次早往視界地已清大熱已退痘皆起脹其兒竟愈又於丁
宅所下一苗痘色慘黯紫漸轉黑解毒涼血諸方用盡悉無見
救其兒之父見余憂悶乃慰余曰此兒不幸乃吾之命非閔生

生之事先生不必至慮余聞其言心中似開一鎖頓悟一方將
紫黃飲加人參與服痘色遂回其兒亦愈余又在饒山一兒昏
沉不醒大熱不退諸藥無效往視甚憂其兒母乃曰我素命薄
非先生之咎豈敢有所怨乎余不覺一時心靈解悟與大成散
一劑力爲攻毒遂出臭汗一身熱退人醒其兒亦愈姑舉二三
以示天下可見主有慰醫之言醫者自胆壯心靈因有神奇之
術也況生死各有天數固宜自安于命醫有救人之志原無戕
人之心奈何又從而怨之若過慎重則當避之不宜與之放苗
其修短不安于數而曉曉致怨亦何益乎

論痘宜種

夫世俗之人道及痘症其難其慎惶恐無措每欲避之以免其禍孰知此本胎元之毒秉自先天無人不可有其毒故無人得免其瘡若遇天行疫氣傳染鄉閭則侵淫漸感毒氣必增况發熱之初不知是痘或失於調理爲風寒穢氣所觸使痘毒遏抑又恐醫者誤投藥餌則輕者重而順者逆况癘疫流行苗源不順則毒發不由經絡其間逆症恆多余行痘科數十年往往見苗順者十無一死苗凶者十祇八存種痘之家醫人必取言苗苗吉則痘無不吉矣且既種苗則發熱之初知是痘疹凡飲食衣被各思戒慎自可無冒風觸穢之虞而醫者時常省視亦自無誤投滯阻之弊思患預防開提發竅毒得外宣其痘出必稀也

且建壇奉聖神明默祐其痘又必吉也故余遍歷諸邦經余種者不下八九千人屈指記之所莫救者不過二三十耳若天行時疫安有如是之吉乎是以余勸世人凡有子女斷不能免痘疹當時疫未臨之際宜預請醫人種痘斯爲最得計也若疫氣臨門方請人種恐癘疫之氣預染醫者固不敢妄種卽種亦難收全美恐致爛額之驚故呈從薪之策

辨苗吉凶

夫種痘之家全恃苗頭之吉蓋苗之吉者猶之紀律之師進必有序行必有方毒氣之發必由經絡次序傳宣故無一吝湧出之弊達之皮膚洩于毛孔各分道路尋竅而出又無鋪瑣全種

之虞且毒不凝於血分而血自榮毒不滯于氣道而氣自暢氣
血榮暢則痘必光潤起脹灌膿總無灰白紫黑之患若苗之凶
者猶之鳥合之衆進止無節尊卑紊淆毒氣一動不出經絡一
湧而出不尋毛竅各無道路以致一片紅癰又或密如蚕種且
毒無所洩非紊于血必纏于氣而五陷痒塌之危不旋踵而至
矣是以術家宜取吉苗慎勿妄取凶苗以致誤人而自誤也戒
之戒之

昔吾一友在建邑種痘其初吉苗所種無不安泰遠近馳名後
往東鄉人多苗少彼貪其利遂將天行痘苗兼而用之及其痘
發險逆之症甚多歿折數十餘人怨尤交作夜遁而遁不知者

謂其流年月限之不利豈知皆取苗不正之過乎或曰彼取之
苗雖是天行痘種然亦擇其吉者而取之何致不利余應之曰
是年夏邑疫氣普邑流行其間痘之美者乃其人秉毒本輕血
氣又盛故痘乃佳竟是惡疫之種遇秉毒稍盛之人必形險逆
之症故惡疫之處萬萬不可取苗以自誤也種痘原無奇術但
靠好苗而已特術家秘而不宣恐人識破而輕其術也學者切
宜著意擇苗方不負余諄諄告戒之意也

擇苗秘訣

夫苗者痘之痂疵也大凡取苗要訪其痘之來路鄉閭之中其
痘吉多凶罕逆症全無乃往取之又要看其顆粒分明無蒙頭

鎖鎖之弊頭面胸背稀疎出齊熱退漿足痂厚潤澤光明不藥而愈者其來路既正氣血又充毒化已盡乃佳苗也痘雖多亦是美種遍体四肢之痂俱好只要厚寔光彩往取之時須囑其父母但其兒睡起卽將睡衣數抖令痂落於蓆上檢取包固置于身傍勿令洩氣若痂薄而白者苗路雖好究亦無力種多不發若出齊猶熱者乃是險症其痂不可用痂色帶黑者熱毒必盛其苗亦不可用惟赤色者上黃者次之切宜緊記不可潦草而取以致自誤後悔何及

藏苗法

既取苗來用紙包固再納小竹筒中以塞其口勿令洩氣不可

晒干日中亦不可焙于火上須帶在身邊令其自乾且苗包須
寫取苗月日蓋冬月之苗陽氣在內雖留三四十日種之猶發
大半夏月之苗陽氣外洩卽過二十餘日亦少發矣總之苗必
以新爲主新則氣盛十常發九稍舊則氣弱祇發其半再舊則
無氣雖種亦不發矣若新苗少而人又衆則須兼舊苗而用之
但吹苗時要多放些種之亦自能發

論苗貴新賤舊

夫痘本胎毒藏于背骨第七骨節之中無以觸之則終身不發
必因外面痘毒之氣冲到命門則氣類相求引之卽動新苗氣
旺一吹入鼻直冲臟腑故所種必發發亦必輕蓋苗毒不致逗

留祇爲招毒之使而非助伊作惡也其症之來安不順乎故放苗之後七八日間發者其症必輕若舊苗氣弱不能直射命門此非特種而不發以致人之譏諍尤恐外毒客留臟腑反增內毒之邪故放苗之後遲之十餘日乃發者重俟加苗後發者亦重此皆用舊苗之過也學者可不審乎

昔吾一友在泰邑向余索苗遲之三四十日方去放苗其所種之兒祇十發其一值鄉中天行痘到其所種者陸續而發皆是逆症以致怨尤交作此用舊苗之鑑也

放苗秘訣

育人種痘則以棉團蘸其漿膿塞于小兒鼻孔之內謂之漿苗

後因犯痘之家不肯與人剔破痘瘡故取痘疵乳爲細末罌
放通閑散少許令全乳勻用小竹管乘苗吹入鼻竅男左女右
未吹之時令去鼻漿然後將苗吹入又要使其頭面端正向上
執管而吹不歪不斜直透竅中則苗無不到矣然苗太少則氣
不盛亦種不發必多放些苗而苗又新則百種而百發吹入之
時卽將手閉其鼻數片刻令苗吸歸氣道方妙

通閑散

牙皂

北辛

等分爲末

或加雄黃亦妙

一凡種痘必先開小兒姓名觀其多寡然後乳苗蓋乳碎之苗
易于走氣更兼通閑之藥走而不守其氣尤易洩也故今日
所乳之苗只可今日用之他日其氣已洩卽種亦不發矣

一凡放苗必其門內無天行惡痘方可與之種苗若門內有痘必其症多險逆故請人種醫者苟不訪察而妄與下苗孰知其兒已沾疫氣之毒及痘發不順致咎醫人縱決西江之水亦難洗其冤矣悔之又何及乎余昔在泰邑有顏姓來請種痘余到其家未曾詳審卽與放苗及放苗之後方言天行痘症已進門中二十餘日矣乃引余往視未進房門臭氣冲人形若蛇皮誠惡候也余始悔之亦無及矣後未出三日諸小兒盡皆斃執竟有身已熱亦來吹苗者其間惡症甚多不得不任其責如拯溺救焚何嘗全活其鄰朱姓則惡痘未入其門雖共日放苗而數十餘人悉無險症可見主家莫待天行

到宅方去請醫種痘術家亦要訪無天行惡症方可與之種
苗但痘毒傳染必在起脹灌膿之際毒化成膿方有腥氣傳
人若初到門當發熱見點之時其餘小兒卽與放苗則天行
之痘未染放苗美種先施斯亦必皆順症故天花臨門凡請
醫者不可遲延而行術者亦當審察慎勿冒昧施苗遷延觀
望以自貽伊戚也

先觀小兒形色然後施苗秘訣

夫痘毒之發出自五臟是室中之溢也發越之際邪正交爭而
元氣壯旺力能逐毒則毒氣雖盛亦必退外而自散若元氣怯
弱不能勝毒則毒氣橫盛勢必內攻以爲殃凡人之內毒雖不

可以逆睹而小兒之氣血觀形察色自可立知未放齒時須察其顏色之榮枯榮則血盛枯則血衰觀其毛髮之焦黑焦則血枯黑則血盛且髮疎而嫩者氣多不足髮稠而粗者氣必有餘既許毛髮再看顙門顙門潤者胎元未足而腦骨故爾難收顙門小者胎氣甚充而陽會所以易合且五臟之精華皆著于兩目神光炯炯則內精自足無疑瞳子昏沉則元神知其未足山根青者痰多體弱惜驚風面色青者質怯元虧多吐瀉髮開路而直豎斷有疳積唇淡白而倦怠定作虛看聲亮而長丹田知其氣足音揭而促氣海自是多虧指有紫紋而浮起其兒蓄熱必將宣腹有青筋而硬脹已有食積而當知是以壯寔無病之人

方可與之下種元虧有病之輩切莫輕與投苗外此兒未滿週
須慮根基未穩奶娘鮮乳亦防缺養之虞女子若過十四天發
已動須防痘發而行經男人若到十五慾火或脹更慮房勞而
洩損有孕之婦恐痘出而胎動難安孤隻之孩慮風霜而偏淩
弱草或腰不挺者其腎必虧膝常軟者其髓必薄偶見令人心
怯卽此便是凶機父母或出危言究竟終非吉兆過恤之家不
宜妄種趁起之戶切莫輕施此施苗之種訣余嘗屢試而皆然
謹痛後賢宜從吾論

論要敬神

聖人嘗曰鬼神之爲德也其盛矣乎又曰如在其上如在其左

右蓋鬼神皆天地山川之正氣或忠孝節義之英靈安可而不敬乎况司痘之神形于眉睫奉其教者是其弟子弟子於先師而敢或慢乎犯其症者是其司命司命之所臨而敢或褻乎故起壇必要敬謹謝神須要虔誠晨昏必要香燈茶酒禱祝化財壇上務宜灑掃潔淨不可花言亂語冒犯神聖安奉水碗尤不敢動動則必不吉矣戒之戒之謝壇時要求賜香火將香紙帶往訓壇燃化壇完則帶香火歸家奉祀則神之格斯必然默佑否則神不我庇烏能咸獲吉乎余昔在建邑袁宅種痘主家不敬神明香燈俱無錢財不化忽一日壇上所有錢紙無故自燃祇化紙錢餘皆未燃後其家果不吉又于泰邑丁宅種痘者